



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ
ԵՎ ՍՊՈՐՏԻ ՆԱԽԱՐԱՐ

ՀՐԱՄԱՆ

№ 1033-Ա/2

«06» մայիսի 2025 թ.

**ԳԻՏԱԿԱՆ ԿԵՆՏՐՈՆՆԵՐԸ ԺԱՄԱՆԱԿԱԿԻՑ ՍԱՐՔԱՎՈՐՈՒՄՆԵՐՈՎ
ՎԵՐԱԶԻՆԵԼՈՒ ՆՊԱՏԱԿՈՎ ԳԻՏԱԿԱՆ ՍԱՐՔԵՐԻ/ՍԱՐՔԱՎՈՐՈՒՄՆԵՐԻ
ԳՆՄԱՆ ՀԱՅՏԵՐԻ ԸՆՏՐՈՒԹՅԱՆ ՄՐՑՈՒՅԹ ԿԱԶՄԱԿԵՐՊԵԼՈՒ,
ՄՐՑՈՒՅԹԻ ՀՐԱՎԵՐԻ ՓԱԹԵԹԸ ՀԱՍՏԱՏԵԼՈՒ ՄԱՍԻՆ**

Ղեկավարվելով «Գիտական և գիտատեխնիկական գործունեության մասին» օրենքի 23-րդ հոդվածի 6-րդ մասով և հիմք ընդունելով Հայաստանի Հանրապետության վարչապետի 2019 թվականի հունիսի 1-ի N 661-Լ որոշմամբ հաստատված Հայաստանի Հանրապետության կրթության, գիտության, մշակույթի և սպորտի նախարարության կանոնադրության 19-րդ կետի 20-րդ ենթակետը՝

ՀՐԱՄԱՅՈՒՄ ԵՄ

1. Կազմակերպել գիտական կենտրոնները ժամանակակից սարքավորումներով վերազինելու նպատակով գիտական սարքերի/սարքավորումների գնման հայտերի ընտրության մրցույթ (այսուհետ՝ մրցույթ):

2. Հաստատել մրցույթի հրավերի փաթեթը՝ համաձայն հավելվածի:

3. Սույն հրամանի կատարման հսկողությունը հանձնարարել Բարձրագույն կրթության և գիտության կոմիտեի նախագահ Սարգիս Հայրոցյանին:

ՆԱԽԱՐԱՐ՝

Ժ. ԱՆԴՐԵԱՍՅԱՆ

Հ Ր Ա Վ Ե Ր

ԳԻՏԱԿԱՆ ԿԵՆՏՐՈՆՆԵՐԸ ԺԱՄԱՆԱԿԱԿԻՑ ՍԱՐՔԱՎՈՐՈՒՄՆԵՐՈՎ ՎԵՐԱԶԻՆԵԼՈՒ ՆՊԱՏԱԿՈՎ ԳԻՏԱԿԱՆ ՍԱՐՔԵՐԻ/ՍԱՐՔԱՎՈՐՈՒՄՆԵՐԻ ԳՆԱՄԱՆ ՀԱՅՏԵՐԻ ԸՆՏՐՈՒԹՅԱՆ ՄՐՑՈՒՅԹԻ

Հայաստանի Հանրապետության կրթության, գիտության, մշակույթի և սպորտի նախարարության բարձրագույն կրթության և գիտության կոմիտեն (այսուհետ՝ **Կոմիտե**) կազմակերպում է գիտական կենտրոնները ժամանակակից սարքավորումներով վերազինելու նպատակով գիտական սարքերի/սարքավորումների գնման հայտերի (այսուհետ՝ **Հայտ**) ընտրության մրցույթ (այսուհետ՝ **Մրցույթ**)՝ համաձայն Հայաստանի Հանրապետության կրթության, գիտության, մշակույթի և սպորտի նախարարի 2025 թվականի մայիսի 6-ի N 1033-Ա/2 հրամանի:

1. **Հայտ** ներկայացվում է Հայաստանի Հանրապետության պետական բյուջեից գիտական և գիտատեխնիկական գործունեության բազային ֆինանսավորման ծրագիր իրականացնող գիտական պետական կազմակերպությունների և բարձրագույն ուսումնական հաստատությունների (այսուհետ՝ **Կազմակերպություն**) կողմից՝ **Կոմիտեի** orgs.hesc.am համակարգով, մինչև 2025 թվականի հունիսի 20-ը՝ ներառյալ:

2. **Կազմակերպության** ներկայացուցիչը (գիտական քարտուղար կամ այլ պատասխանատու անձ) մինչև 2025 թվականի հունիսի 27-ը՝ ներառյալ, մեկ ընդհանուր փաթեթով, **Կազմակերպության** ղեկավարի պաշտոնական գրությամբ **Կոմիտե** է ներկայացնում **Կազմակերպության** կողմից տրված բոլոր **Հայտերի** ստորագրված և կնքված թղթային տարբերակների փաթեթներն՝ առձեռն:

3. **Հայտը** պետք է ներառի սարքի/սարքավորման համատեղ օգտագործման առնվազն մեկ առաջարկություն: **Հայտ** ներկայացվում է այն **Կազմակերպության** կողմից, որտեղ գիտական սարքը/սարքավորումը տեղակայվելու է, և կցվում է (են) տվյալ սարքի/սարքավորման անհրաժեշտության մասին շահագրգիռ կազմակերպության (կազմակերպությունների) հիմնավորում(ներ)ը:

4. **Հայտով** ներկայացվում է սարքի/սարքավորման գնումն ապահովելու և **Կազմակերպություն** մատակարարելու համար անհրաժեշտ գումարը՝ ներառյալ հարկերը, տուրքերը, տեղափոխման ծախսերը և այլ վճարներ:

5. **Հայտի** ընդհանուր գումարը պետք է կազմի ոչ պակաս, քան՝ 20,000.0 հազար (քսան միլիոն) դրամ, իսկ **Հայտում** ներառված յուրաքանչյուր սարքի/սարքավորման արժեքը պետք է կազմի ոչ պակաս, քան՝ 5,000.0 հազար (հինգ միլիոն) դրամ:

6. Սարքը/սարքավորումը գնելու համար համաֆինանսավորման առաջարկություն չի նախատեսվում:

7. **Հայտին** կցվում են համապատասխան գնային առաջարկները:

8. **Հայտով** ներկայացվող յուրաքանչյուր սարքի/սարքավորման համար անհրաժեշտ է կցել երեք գնառաջարկ, իսկ դրա անհնարինության դեպքում, երկու կամ մեկ գնառաջարկ ներկայացնելիս, անհրաժեշտ է լրացուցիչ մանրամասն հիմնավորում:

9. **Հայտերը** գնահատելու, այնուհետև հաշվետվությունների մասին եզրակացություն տալու համար ստեղծվում է մրցութային (գնահատող) հանձնաժողով (այսուհետ՝ **Հանձնաժողով**):

10. **Հանձնաժողովը** գործունեությունն իրականացնում է նիստերի միջոցով:

11. **Հանձնաժողովի** առաջին նիստում հաստատվում է **Հայտի** գնահատման թերթիկի ձևը:

12. Մրցույթի պայմաններին բավարարող **Հայտերը** տրամադրվում են **Հանձնաժողովին՝** գնահատման:

13. **Հայտը** լրամշակման ենթակա չէ, անհրաժեշտության դեպքում **Հանձնաժողովը** կարող է պահանջել լրացուցիչ հիմնավորում:

14. **Հանձնաժողովը** կարող է ներկայացնել **Հայտերի** քննարկման առաջնահերթության վերաբերյալ առաջարկություն:

15. **Հանձնաժողովը** սահմանում է հայցվող ընդհանուր գումարի չափ, որից ավելի գումարի դեպքում սարքերի/սարքավորումների շահագործման պատասխանատուների հետ անցկացնում է հարցազրույց:

16. **Հանձնաժողովը**, քննարկելով **Հայտի** հիմնավորումը (սույն հրավերի հավելված) և ներկայացված անհրաժեշտ փաստաթղթերը՝ գնահատում է **Կազմակերպության** գիտական և գիտատեխնիկական գործունեության համար սարքի/սարքավորման անհրաժեշտությունը, մոդելի ընտրությունը, անալոգների հետ համեմատությունը, համատեղ օգտագործման մեխանիզմները, շահագործման ծախսերը և դրանց ծախսածածկման հնարավորությունները, հնարավոր եկամուտները, շահագրգիռ կազմակերպությունների մասնակցության հիմնավորումը, օրացուցային պլանը և առաջիկա երեք տարիների համար ակնկալվող արդյունքների քանակական և

որակական ցուցանիշները, ինչպես նաև **Կազմակերպությունում** սարքի/սարքավորման հետ աշխատանքի փորձ ունեցող մասնագետների առկայությունն ու նրանց ձեռքբերումները (մասնագետների գիտական գործունեության արդյունավետության վերաբերյալ տեղեկություններ **Հանձնաժողովին** տրամադրվում են **Կոմիտեի** մրցույթների հայտերի և հաշվետվությունների ընդունման grants.hesc.am համակարգից):

17. Հաշվի առնելով յուրաքանչյուր **Հայտի** ընդհանուր գնահատականը՝ **Հանձնաժողովը** կազմում է **Հայտերի** գնահատականների նվազման կարգով վարկանիշային ցանկ և գնահատման արդյունքների հիման վրա տալիս է սարքի/սարքավորման գնման նպատակահարմարության վերաբերյալ եզրակացություն:

18. Հավասար միավորների դեպքում նախապատվություն տրվում է այն **Հայտին**, որում շահագրգիռ կազմակերպությունների թիվն ավելի մեծ է, իսկ վերջինիս հավասարության դեպքում՝ **Հանձնաժողովը** կազմակերպում է այց հայտատու **Կազմակերպություն**՝ տեղում ծանոթանում դրա նյութատեխնիկական բազայի վիճակին և համապատասխան մասնագետների առկայությանը, ապա տալիս է համապատասխան եզրակացություն:

19. Հայաստանի Հանրապետության կրթության, գիտության, մշակույթի և սպորտի նախարարը, ելնելով Հայաստանի Հանրապետության պետական բյուջեով նախատեսված հատկացումների չափից՝ հաստատում է գնման ենթակա սարքերի/սարքավորումների ցանկը:

20. Գնման ենթակա սարքերի/սարքավորումների ցանկը համալրվում է նախորդ մրցույթների արդյունքներով գնման ենթակա, սակայն դեռ չգնված սարքերով/սարքավորումներով:

21. **Կոմիտեն**, «Գնումների մասին» Հայաստանի Հանրապետության օրենքով սահմանված կարգով, կազմակերպում է գիտական սարքերի/սարքավորումների գնման գործընթաց: Անհրաժեշտության դեպքում **Կազմակերպությունը** կարող է մասնակցել գնման գործընթացին:

22. Գնված սարքը/սարքավորումը **Կոմիտեն**, սահմանված կարգով, տրամադրում է հայտատու **Կազմակերպությանը**՝ կնքելով Հայաստանի Հանրապետության բարձրագույն ուսումնական հաստատությանը, գիտական կազմակերպությանը սարքի (սարքավորման) նվիրաբերության պայմանագիր:

23. **Կազմակերպությունը** մշակում է գնված սարքը համատեղ օգտագործելու ընթացակարգ(եր) և հրապարակում է **Կազմակերպության** համացանցային

պաշտոնական կայքում: Հրապարակվում է նաև սարքի տեխնիկական բնութագիրը և դրա կիրառման հնարավորությունների մասին տեղեկատվություն:

24. Գիտական սարքը/սարքավորումը շահագործելուց հետո 12 և 24 ամիս հետո **Կազմակերպությունը Կոմիտե** է ներկայացնում ընթացիկ (տարեկան), իսկ 36 ամիս հետո՝ ամփոփիչ հաշվետվություն (այսուհետ՝ **Հաշվետվություն**):

25. **Հաշվետվությունը** պետք է պարունակի տեղեկություններ սարքի/սարքավորման շահագործմանը մասնակցած կազմակերպությունների և խմբերի, ինչպես նաև իրականացված աշխատանքների ծավալի, բնույթի, ստացված արդյունքների (հրապարակումներ, գիտաժողովներ, նորարարական կարողության կիրառություն, մտավոր սեփականության տնօրինում և այլն) վերաբերյալ:

26. **Հաշվետվությունների** վերաբերյալ **Հանձնաժողովը** տալիս է եզրակացություն:

27. **Հաշվետվություն** չներկայացնելու կամ վերջինիս վերաբերյալ **Հանձնաժողովի** բացասական եզրակացության դեպքում **Կոմիտեն** կարող է կատարել սարքի/սարքավորման տեղակայման վայրի փոփոխություն:

28. **Մրցույթի** վերաբերյալ լրացուցիչ տեղեկություններ և խորհրդատվություն կարելի է ստանալ **Կոմիտեից**՝ զանգահարելով (+374 10) 300109 (ներքին՝ 710 կամ, տեխնիկական հարցերով՝ 910):

Հավելված

Գիտական կենտրոնները ժամանակակից սարքավորումներով
վերագինելու նպատակով գիտական սարքերի/սարքավորումների
գնման հայտերի ընտրության մրցույթի հրավերի

Հ Ի Մ Ն Ա Վ Ո Ր ՈՒ Մ ¹

1. **Սարքի/սարքավորման անհրաժեշտությունը Կազմակերպության (շահագրգիռ կազմակերպությունների) գիտական և գիտատեխնիկական գործունեության համար**
2. **Սարքի/սարքավորման մոդելի ընտրության անհրաժեշտությունը, անալոգների հեյր համեմատությունը**
3. **Սարքը/սարքավորումը գնելու և մինչև Կազմակերպություն տեղափոխելու հավանական ժամանակացույց** (գնման մրցույթ, պայմանագրի կնքում, սարքի պատրաստում, տեղափոխություն, մաքսազերծում և այլն)
4. **Սարքի/սարքավորման համարեղ օգտագործման մեխանիզմները**
5. **Սարքը/սարքավորումը շահագործելու համար անհրաժեշտ ծախսերը և դրանց ծախսաձածկման հնարավորությունները**
6. **Եկամտաբերության հնարավորությունները**
7. **Շահագրգիռ կազմակերպությունների մասնակցության հիմնավորումը**
8. **Նմանատիպ սարքերի/սարքավորումների առկայությունը ՀՀ-ում**
9. **Կազմակերպության հագեցվածության աստիճանը տվյալ բնագավառ(ներ)ի այլ սարքերով/սարքավորումներով**
10. **Տարեկան օրացուցային պլան (երեք տարիների համար)**
11. **Ակնկալվող արդյունքների քանակական և որակական ցուցանիշները** (հրապարակումներ, գիտաժողովներ, նորարարական կարողության կիրառություն (տեխնոլոգիական ներդրում, ցուցադրում, փորձնական նմուշ, նախատիպ և այլն), մրավոր սեփականության տնօրինում (արտոնագիր, հեղինակային իրավունք և այլն))
12. **Հայտի գնագոյացման հիմնավորում** (հիմնավորվում է յուրաքանչյուր սարքի՝ մինչև Կազմակերպություն հասցնելու ծախսը, որը ներառում է սարքի արժեքը, հարկերը, տուրքերը, տեղափոխման ծախսերը և այլ վճարներ)
13. **Ռիսկեր և հնարավորություններ** (ի՞նչ ռիսկեր կան և ի՞նչ հնարավորություններ կստեղծվեն)
14. **Այլ նշումներ**

¹ Մինչև 8 էջ